

沈雲龍教授主編

近代中國史料叢刊

第三十三輯

文海出版社印行

# 近代中國史料叢刊

沈雲龍教授主編

近代中國史料種類之繁，卷帙之多，遠過其他時代。就內容而論，可別爲原始資料（Primary sources of materials）與次要資料（Secondary sources of materials）兩類。前者如歷朝實錄、東華錄、政治官報、大臣奏疏、外交檔案、名臣專集、函牘手扎、日記、自訂年譜、回憶錄等；後者如官書傳記、行狀、碑誌、新聞記載、雜誌論文、私人筆記、以及參用史料，專題研究所得而成之史籍，與夫總合敘述史蹟之真相，而使讀者明瞭一事，或一時代之政治外交社會經濟情況及人民生活之專著等，均其明例。

本社向以搜集史料影印流傳爲職志。其卷帙較多之大清實錄、東華錄、十朝聖訓、清季外交史料，政治官報等鉅製，均已先後出版，甚獲好評。茲再商得近代史學家沈雲龍教授之同意，就上述範圍，代爲搜羅選輯卷帙較少而有價值之史料，陸續影印，並承惠允將其所藏罕見之孤本若干種先行借出攝印，以供海內外學人治近代中國史者之參考。

文海出版社謹識

中華民國五十五年十月

近代中國史料叢刊

第三十三輯

目錄

W. H. B. / 12 / 2172M

粵氛紀事

謝山居士纂

鮑忠壯公（超）年譜

李叔璠編

馬端敏公（新貽）年譜

馬新祐編

長沙瞿氏叢刊

瞿宜穎輯

譚文勤公（鍾麟）奏稿

譚寶箴·延闈·澤闈編

戊戌奏稿

康有爲著

覺顛冥齋內言

唐才常著

高齋類稿·續稿·奏稿

馮煦著

一山文存

章棫著

中俄會議參考文件

中俄交涉公署編

粵東紀事



粵氛紀事目錄

卷一

粵西起事

咸豐元年二年

卷二

兩楚被兵

咸豐二年

卷三

潯皖失援

咸豐三年

卷四

長江挺險

咸豐三年

卷五

北路奏膚

咸豐三四年

卷六

西江反噬

咸豐三年

卷七

全楚掃氛

咸豐五六年

卷八

江北阻淮

咸豐三年至十年

卷九

皖南踰嶺

咸豐四年至十年

卷十 江右連兵

咸豐四年至九年

卷十一 七閩用兵

咸豐七八年

卷十二 兩浙致寇

咸豐五年至十年

卷十三 東門無限

咸豐三年至十年

粵氛紀事卷之一

謝山居士輯

粵西起事

嗚呼粵西之禍可勝言哉當其伏莽之初實胚胎于庚子辛丑夷事之後又乘丙午丁未陽九之厄運而起一時士大夫當外寇方平輒翫視草竊以爲此癬疥疾不足憂于是厝薪所積狙于處堂之安濫觴不塞遂有決防之患論者徒見其棄疾于粵西而不知其階亂之在粵東也方琦相之羈縻義律也粵東之民謠曰百姓怕官官怕洋鬼追三元里之役粵民起而創之遂與團練之局未幾聞撫事



定積不能平遂有次年揭帖之變而大府亟出示安撫之

又從而謝止夷人之入城者語詳中西紀事中于是粵東之民又

謠曰官怕洋鬼洋鬼怕百姓夫至于能怕其官之所怕則

粵東之民浸浸乎玩大府于股掌間矣伊相任廣州將軍

以憂死粵撫黃恩彤論劾罷歸而耆相為督臣亦惴惴不

自保乃謀于首揆得

旨內召適徐制使廣縉葉撫軍名琛先後蒞粵粵民乃擁

戴以翻撫議之局遂以已酉劄夷人于省河捷告

成庶始悟前此諸臣欺

君誤國特加二臣封爵以愧厲之蓋

聖明用意之深厚也然粵東之民所以玉成制撫而躋之富貴者蓋已陰受其名制而焦頭爛額之儔悉爲上客矣兩粵爲梟販海盜會匪之所聚自琦相入粵主撫盡撤沿海防衛漁船蠶戶無所資以自贍遂有艇匪名目而粵省自近年來盜畫入人家劫財物殺事主州縣莫敢誰何輒改竊買抵以圖規脫處分于是義勇聚則仰食于練餉散則結黨竄踞山谷間肆其劫掠浸尋至于拒捕戕官紳民家受其害赴懇入都大府亦養癰無及始以上

聞雜時

上授鉞于林文忠而文忠薨于塗擇將得張提軍而提軍

身命系焉 卷之六 二  
薨于軍于是賊見大星兩隕自謂徼天之幸因而東西交  
界之區肆其豕突疊奉

上諭不可使兩省匪徒合而爲一遇有防勦斷不能分而  
爲二

庶算指蹤動合機宜惜會勦之師自齋左二將由廣甯窮  
追數百里卒之里松一蹶全軍覆亾其後遂以爲戒于是  
賊避堅而攻瑕我備左而寡右浸浸乎以西爲壑矣悍賊  
聚于桂平自陳亞潰授首後金田七逆遂謀抗拒大兵攻  
擾州縣時則李文恭公以病軀受侯官之代固已食少事  
煩日不暇給而周文忠年踰伏波坐鎮專圻毅然以殺賊

共誓然二帥亦卒不相能故

上欲以中樞監其軍而戒其不得各持意見致失事機迨湘陰盡瘁死而東阿亦以無功

召回于是有左袒文忠者謂其請調北兵爲文恭所尼不得自行其志此不然也夫北之不利于南猶南之不利于北赤壁肥水之往事不必言矣近者辛丑浙東之役

上因浙撫之請畀揚威將軍陝甘勁兵二千其後一敗于慈谿再敗于乍浦二千幾殲焉以粵逆之悍也而北竄之師兩次窮兵隻輪不返固知螳螂之奮不足以當大車抑亦刀斤之用弗能良于遷地予反覆推之賊以土著之

秀民習知地形險易故其地不避能爲倍道之趨鋌險不擇又得因糧之飽是則才弱賊強抑亦千古所同病而事機之失則馮雲山韋正被武宣紳民捕告獲其妖書符籙械繫獄中而府縣見其互控之詞以爲怨家誣陷卒令取保逸出此道光二十七八年間事至洪秀泉踞于佛山寨中楊秀清自鬱林江來徃勾結亦在其時故予以爲乘丙丁陽亢之厄運異日續柴望之丙丁龜鑑者其必有取乎夫當其捕治之初議者以爲彼懷貳而覺未成我欲戰而兵未集萬一有劫獄戕官之變則補牢旣已無及歧路更復可虞豈知縱敵患生反速禍小不權其輕重之數一

且禍幾猝發而欲制猛虎于決蹠之後鬥螫蛇于斷手之時雖有智者不能善其後矣予綜核其起事之始末賊萌蘖于東而燎原于西實以韋正馮雲山等爲之嚮導而楊秀清馮藉以爲死黨洪秀泉遙制以爲外援是則養癰諱疾殆未可專談之鄭夢白閔正鳳一輩而徐仲笙得馬非福養虎遺患督師數年但張大其擒滅艇墟各匪之功而于負置揭篋之大盜破其緘滕扇鏹而出者掩耳咋舌莫敢誰何秉國成者咎將誰諉哉

道光三十年冬粵匪起事于桂平縣之金田地方初有股匪陳亞潰糾黨擾及潯州官兵捕之急乃逃入桂平縣之

羅隸山岡時署桂平知縣李孟羣督團長黎建勳等檢獲

于武宜交界之叢尾地方解省斬之維時据廣西撫臣鄭

祖琛奏稱潯州府屬之桂平平南及鬱林州屬皆有匪徒

糾聚拜會人數眾多時方簡授前任雲貴總督林則徐為

欽差大臣督師入粵又起前任雲南提督張必祿統帶黔

兵調湖南提督向榮統帶楚兵赴粵西會勦蓋其時粵西

全省自桂林外無不被擾而與東省交界之區羣盜如毛

此出彼入文忠力疾就道行至潮州而卒張提軍取道貴

州督同署鎮遠鎮軍周鳳岐統帶黔省二起官兵一千二

百各行抵柳州而潯事日棘西撫飛咨請馳赴潯州督勦

十月金田之匪欲勾合鬱林大洋另股渡河北竄官兵扼之于石嘴擊其南岸之賊敗之金田匪自北岸赴援而南岸賊已被官兵轟斃入河者數十人其餘潰逃者悉自上流偷渡歸併金田二十五日提軍自柳州感喘嗽疾聞信趣令辦嚴將弁請留不可途中病劇遂以十一月初七日卒于潯城是時平南鬱林之匪與金田合老幼婦女悉被裹脅從行賊勢日熾又于桂平南界之大黃江排列船隻以圖一逞提軍既卒周鎮軍統其軍駐師潯城 二十七日賊兵敗績于金田時逆匪聞官兵進勦先竄入平南之思旺墟副將李駿元等督兵跟追賊佯敗巡檢張鏞首衝



入隊忽賊分股撲回張鏞力竭被執罵賊死之該逆仍回

金田是時省中之兵移駐大灣邊其要隘而貴州周鎮軍

派令副將伊克坦布等進攻賊巢該逆分股迎拒副將奮

勇當先斃賊多名被賊重重圍裹往來冲殺力竭死之其

以救護被戕及奮勦手刃數賊而死者凡九人鎮軍馳往

應援救出被圍之弁兵與賊力戰一晝夜敗之賊始退至

思宜渡口是役也匪獨黔兵爲之挫衄卽本省兵勇之助

勦者亦相與謀堅壁之守不敢易言死地矣 初前兩江

總督李星沅自金陵告養歸踰年請奔

成庸喪入都

召見兩次旋里後具摺謝

恩

上方有嚮用之意至是因文忠卒卽其家起用爲欽差大臣受代督師是時前任湖廣總督周天爵亦奉宣召入都授漕運總督值粵西事起

飭卽馳駟前往署理廣西巡撫皆先後抵桂林時南甯太平兩郡股匪四出滋蔓文恭駐師于柳州以捍蔽南路進勦金田議厚集兵力以攻之而雲南奉調之兵行至果化遇賊接仗陣亡千把十員遷延不至惟向提軍自楚出師連勦武緣賓州慶遠之賊又擊敗橫州謝長腰四股匪一

身命... 一  
月之間四戰皆捷乃飛檄趣之赴潯詎該逆聞各路之師將集先期竄至大黃江遂以江墟爲負隅之固矣

咸豐元年春正月金田之匪自焚其巢穴出踞大黃江墟

江繞紫金朋化諸絕巘賊面水背山恃以爲固時向提軍

已統楚兵至潯漢之臨元鎮總兵李能臣亦以兵來會合

貴州粵東及本省兵勇將近萬人并力進攻由平南繞出

賊後分中左右三路直搗江墟十八日該匪亦分股迎敵

復暗伏地雷誘官兵深入我軍初放連環鎗炮自辰至午

轟斃賊匪二百餘名該匪敗退回巢官兵冒險窮追卒中

賊計三省兩粵之將弁陣亡者十餘人是役也督師以捷

聞而折將之咎不能掩蓋先勝後敗賊之狡焉以思逞者  
未艾也 二月向提軍榮督率各路兵勇大敗金田賊于  
大黃江口之牛排嶺初賊被官兵擊退棄江墟竄入于牛  
排嶺恃險爲巢深溝高壘以待我師之深入而殲之也初  
三日提軍派黔滇兵扼于佛子口自率楚兵八百各馳赴  
牛排嶺附近之夾洲一帶該匪僞遁時有新募之象州猺  
壯見守寨之賊無多不知其爲羸師之張也乃傾營而出  
方槍斃寨匪十餘人而賊于金匏村擁出二三千人直撲  
猺營官兵趨前策應賊又分股來撲大營雲南武舉李祥  
麟死之廣西游擊福謙首先抵禦被賊以長矛洞其右脛

適梧州協兵丁搶護立將該匪砍之割取首級以徇于軍  
各兵勇遂乘勝擊賊退焉提軍聞之知賊之必報也乃飭  
諸軍嚴爲之備賊果于初五日寅刻分三股出隊提軍督  
各路兵分頭策應而令其子蔭生向繼雄另帶提兵一千  
二百名由北路堵截賊之大股悉藏在正南竹林內吶喊  
助勢而在外之游匪悉以牽制官軍于是提軍督飭各路  
兵勇專向竹林轟擊賊亦放大炮回拒自寅至午鏖戰半  
日蓋官兵未嘗蓐食也賊敗全股由竹林遁去前後共殲  
斃賊匪一千數百名刀矛軍械委地又得其槍炮籐牌馬  
匹無算是役也賊自踞金田以來甫經大創又散其脅從

之黨二千餘人然猶負隅于牛排嶺以圖報復初六日賊  
傾巢而出提軍先派候補知府劉繼祖等在大黃江一帶  
分路夾勦焚其江墟之賊巢初八日提軍瞭見北岸之匪  
房屋被燒奪其所恃紛紛擁上江岸我軍亦迭施槍炮沿  
岸追奔提軍當督同滇黔鎮將四面圍勦賊遂于是夜分  
竄新墟及紫荆山等處于是奪牛排嶺復縱火焚其巢傳  
令詰朝攻新墟而賊已全股逸入于交界之武宣則桂平  
爲之肅清 十七日周署撫向提軍督兵攻賊于武宣之  
東鄉不克賊之竄武宣也將自象州修仁平樂北窺桂林  
時提軍統各路兵尾追署西撫周文忠自省親赴武宣督

勦賊謀竄縣城不得遁回東鄉文忠與提軍謀恐賊以一股綴我一股分竄乃派兵趕赴象州扼其西北是日賊在東嶺村滋擾提軍督同副將和春都司鄧紹良鄭魁士率提兵楚勇親往抵禦西撫自率兵壯二百名暨候補知府張敬修管帶東勇二百名前往接應賊自東嶺分三股迎敵提軍趨中路令楚兵閩勇分爲左右拒未幾鄧鄭兩將身先士卒皆中矛傷賊遂由左右抄襲衝入中軍管帶閩勇之從九品吳<sub>貽書</sub>被戕死之閩勇遂潰撫軍手刃二人迄不能止適張敬修率東勇捨上廩戰二時賊始潰退三月初二日官兵再攻東鄉不克是時各營將士皆不和

而專闢專圻亦各存意見不能相合文忠見三省之兵持久而困欲請調北方勁旅萬人而文恭以南北異宜馳書亟止之文忠不懌乃單銜奏請復引疾陳請開缺文恭見武宣之勢日劇而中制之出多門乃與撫軍會銜奏請欽派重臣統領以一事權奉

旨申飭越日始命大學士饒

尙阿

督師防堵楚粵交界之

地而密旨令其馳赴廣西軍營接辦軍務時周文忠尙駐

武宣文恭商請移潯而檄臬司楊

彤如

迅赴武宣近受籌

策文忠不可未幾而文恭病作矣官兵頓于武宣怯賊不敢進文恭乃自柳州移營入武宣以填撫之以是月初四



日抵縣病勢增劇奏請將欽差大臣關防暫交撫臣監護  
遂以十二日薨于軍時周文忠已奉

命著以總督銜專辦軍務而升授順天府尹鄒鳴鶴為粵

西巡撫飭卽馳駟前往初廣州副都統烏蘭泰以上年入

都請覲

名見十七次指陳粵東西事宜辭氣慷慨

上令回鎮值西事日棘乃命馳駟前赴粵西大營幫辦軍  
務向提軍新受委任又經文恭遺摺薦之于是賽相至粵  
頗推心倚二帥辦賊軍事稍稍復振 夏四月武宣東鄉  
之賊竄入象州之中坪先是賊在東鄉西撫慮其北竄分

派桂林兵及楚勇猛勇漏夜趕赴象州又經欽使遣貴州古州鎮將統帶黔兵扼其要隘賊窺象州不得乃東踞中坪又分股在于百丈新寨一帶憑險樹柵相爲犄角官兵不敢擊都統旣至與向提軍分守羅秀桐木等處步步爲營進逼賊壘嗣偵知其鉛彈稀少至有用銅錢者乃定計攻之 五月初八日都統自羅秀拔營進扎獨鰲山南之梁山村地方距中坪四五里許提軍亦自桐木拔營至界嶺駐于中坪之東雲南昭通鎮總兵經文岱及新授潯州府知府張敬修分扎于寺村厝旺等處皆不出十里內外賊見我軍層層布置某峙爲營此擊彼救聲勢相聯乃欲

乘其進營之始掩其不意而襲之馬鞍山後有河一道官兵營于河之西面山頭初九日賊自對河東面山上搖旂出隊卽時聚集四五百人又先後布滿山谷約有數千直逼都統大營時都統所統者貴州三鎮之兵皆在焉都統飭令分路以堵爲勦旋令自帶駐防之兵施放火箭擊退隔河之賊各營始定初十日賊分十數股渡河直撲威甯鎮營盤三鎮之兵排隊而出賊匪炮子如雨皆伏地前進未傷一人都統自督旂兵往來指麾施放鎗炮中其山頭之匪及于望樓賊衆驚潰遂大勝之惟西南山頭之賊登高瞭望貴州撫標中軍馬善寶等大呼策馬競渡都統止

之不及逾河里許突遇西南山谷伏賊頓起斷其歸路與  
鎮遠威甯標下兩游擊死之都統督全軍赴援賊始解散  
維時向提軍自界嶺堵其分竄十三日渡河追勦自辰至  
午轟斃賊匪百餘人羣匪始不敢渡河嗣因緝獲奸細訊  
供知逆首洪秀全欲來撲營提軍飭嚴備之二十六日賊  
果糾集四五千人中坪等處擁出提軍飭令投誠之陶  
昌培等出而誘敵遂殺騎馬賊三人餘匪奔潰復分五路  
追斬俘馘又分兵殲其苦瓜嶺西安村兩股之賊一日之  
間三戰三捷其寺村厖旺一帶之賊則經鎮軍張觀督分  
路進勦而撫軍周文忠親督之以投誠二十餘人爲嚮導

搜捕勦殺又于十一二兩日會勦百丈之匪窮追澗谷皆以短兵相接前呼後應遂將東南一面沿山抄襲之賊設計擒誅惜所帶桂平平南之英勇中路狂奔遂使該匪未受創而解散文忠深以爲恨据奏稱四日之戰各營對壘均有匪人暗伏導之進退殺之無名留之滋禍不得不仍行固守以待新兵之集至梁山村之戰都統亦以折將自請嚴議然此一役也將弁齊心士卒用命故能有進無退善敗不亾自用兵以來此其節制之有紀律者也 六月初四日賽相師次桂林是時象州中坪之賊探知大兵雲集命將馮牙以彰天討聞之兇愆不敢窺伺省城意圖回

竄遂全股逸入東南一帶則桂平復受其擾桂平之新墟者當紫荆山之前路迤山一帶則雙髻山猪仔峽風門凹等處皆險隘之地賊于初四日自中坪回竄向提軍由界嶺督兵跟追烏都統亦自梁山村拔營回勦該匪于初七八九等日越嶺分走小路官兵屢敗之賊至新墟堅守不出都統追及于大河之西岸遂營焉 秋七月初十五等日烏向兩攻新墟不克分遣麾下將弁奪猪仔峽雙髻山之要隘 二十五日新墟之賊乘夜劫提軍大營江南署泰州營遊擊袁貴奮勇擊退以追賊深入其隊爲逆首楊秀清所執罵賊不屈死之二十八日烏向謀毀其近墟

之賊巢移營進逼知府張敬修已先期墮其赤土村之壘  
培二帥遂乘勝派兵將羅村桂村及小樟三村之賊房次  
第焚毀斃賊百餘人皆在新墟之前路其後路則我兵奪  
據紫金山要隘該匪遂于風門坳口築壘安炮又鑿斷山  
梁爲負嵎死守之計八月初二日丑刻我軍分作三路銜  
枚疾走直趨山腳天始黎明各路鎗炮齊施並用火箭射  
燒賊棚及其望樓自寅至巳斃賊一百餘人賊棄隘潰走  
我軍乘勝追之遂攻破風門隘口據其要害又追奔十餘  
里賊墜崖谷而死者尸骸枕藉其逃者逸入于古調村副  
將和春等追至村前賊自村後逃走當將賊踞村庄全行

燒毀我軍遂移營進逼新墟是夜賊翻山三次來劫我營

總兵長瑞四川總兵劉長清督兵轟擊賊始遁去復放火

燒山適東北風大作忽改南風反燒賊營次日寅刻侍衛

巴清德會同向提軍方督官兵拔營前進該匪自朝至莫

屢出屢敗此後路攻破賊巢及移營進逼之情形也其前

路則都統派令侍衛隆阿會同滇將李能臣潯守張敬

佐亦于是日進攻新墟賊傾巢出戰不勝欲圍他窠復經

兵勇全數截回先後擊斃賊匪五六百人是役也楊韋等

逆皆接戰受創而攻破風門坳時則韋正之弟韋亞孫韋

十一皆斃于炮中賊勢漸蹙矣 初九日烏向復分前後



兩路圍攻新墟時探聞該逆有製造木筏由石嘴過河之信都統激厲將士移營前進分派各路埋伏接應該逆大股分作兩路連次衝突經開侍衛親放鳥鎗擊其二賊該逆始退正我兵撤回之際該逆復悉數來追都統從容下馬以示鎮靜遂回軍奮擊敗之其後路則巴鎮軍會同向提軍分爲左右拒沿河而進賊以三千人分七隊自墟內傾巢而出我軍施火箭焚其望樓又焚其近墟之村落初十日賊分五隊占踞山梁提軍等分路進攻短兵相接首斃其著名兇悍之執旂賊目一名斬首三十餘級十七八等日又分兩路進攻擒其僞司馬楊繼昌訊得僞軍師周